

儀禮集釋

五



儀禮集釋卷十三

宋李如圭撰

聘禮

賓朝服問卿

鄭注不皮弁別于主君卿每國三人

卿受于祖席

鄭注重賓禮也祖王父也

下大夫擯

鄭注無士擯者既接于君所急見之

釋曰不必備士擯

擯者出請事大夫朝服迎于外門外再拜賓不荅拜揖大夫先入每門每曲揖及廟門大夫揖入

鄭注入者省內事也既而俟于宁也

釋曰爾雅曰門屏之間謂之宁郭氏曰人君視朝所宁立處李巡曰正門內兩塾間曰宁孫炎曰門內屏外人君所宁立處也按人君路門外有正朝故視朝則宁立于門內兩塾間門屏之間者謂門內屏外据諸侯內屏而言也此經言大夫揖入則既入門內矣

下云三揖竝行凡至門內霤為三揖之始則省內事之後出俟于內霤南兩塾之間也

擯者請命

鄭注亦從入而出請不几筵辟君也

庭實設四皮

鄭注麋鹿皮也

賓奉束帛入三揖皆行至于階讓

鄭注皆猶竝也古文曰三讓

賓升一等大夫從升堂北面聽命

鄭注賓先升使者尊

釋曰尊聘君之命

賓東面致命

鄭注致其君命

大夫降階西再拜稽首賓辭升成拜受幣堂中西北面

鄭注于堂中央之西受幣趨聘君之命

賓降出大夫降授老幣無擯

案擯今注疏本作儻據前無擯下集釋云當作儻下

經記無擯及注不擯賓同則其訛已久

鄭注不擯賓辟君也

釋曰按卿受問之儀與賓受饗餼禮同惟在君側不

擯賓為異耳

擯者出請事實面如覲幣

鄭注面亦見也其謂之面威儀質也

釋曰如覲幣亦束錦乘馬春秋傳楚公子棄疾聘于

晉過鄭鄭罕虎公孫僑游吉從鄭伯勞諸相辭不敢

見固請見之以其乘馬八匹私面見子皮以馬六匹

見子產以馬四匹見子太叔以馬二匹非常禮故見

鄭伯亦曰私面

賓奉幣庭實從

鄭注庭實四馬

入門右大夫辭

鄭注大夫于賓入自階下辭迎之

賓遂左

鄭注見私事也雖敵賓猶謙入門右為若降等然曲

禮曰客若降等則就主人之階主人固辭于客然後

客復就西階

釋曰復音服

庭實設揖讓如初

鄭注大夫至庭中旋竝行

大夫升一等賓從之

鄭注大夫先升道賓

大夫西面賓稱面

鄭注稱舉也舉相見之辭以相接

大夫對北面當楣再拜受幣于楹閒南面退西面立

鄭注受幣楹閒敵也賓亦振幣進北面授

賓當楣再拜送幣降出大夫降授老幣擯者出請事上

介特面幣如覲介奉幣

鄭注特面者異于主君士介不從而入也君尊衆介

始覲不自別也上賓則衆介皆從之

釋曰上賓面卿亦從介如覲介統于賓也衆介不統

于上介上介面卿雖不自同于衆介亦不敢從衆介

皮二人贊

鄭注亦儷皮也

入門右奠幣再拜

鄭注降等也

大夫辭

鄭注于辭上介則出

擯者反幣

鄭注出還于上介也

釋曰亦反皮

庭實設介奉幣入大夫揖讓如初

鄭注大夫亦先升一等今文曰入設

介升大夫再拜受

鄭注亦于楹間南面而受

介降拜大夫降辭介升再拜送幣

鄭注介既送幣降出也大夫亦受老幣

擯者出請衆介面如覲幣入門右奠幣皆再拜大夫辭
介逆出擯者執上幣出禮請受賓辭

鄭注賓亦爲士介辭

大夫荅再拜擯者執上幣立于門中以相拜士介皆辟
老受擯者幣于中庭士三人坐取羣幣以從之擯者出
請事賓出大夫送于外門外再拜賓不顧

鄭注不顧言去

擯者退大夫拜辱

鄭注拜送也

下大夫嘗使至者幣及之

鄭注嘗使至己國則以幣問之也君子不忘舊

釋曰使所吏反下夫使同

上介朝服三介問下大夫下大夫如卿受幣之禮

鄭注上介三介下大夫使之禮也

釋曰小聘使下大夫降于卿二等三介問下大夫使
上介者同班敵也

其面如賓面于卿之禮大夫若不見

鄭注有故也

君使大夫各以其爵為之受如主人受幣禮不拜

鄭注各以其爵主人卿也則使卿大夫也則使大夫

不拜代受之耳不當主人禮也

釋曰不拜猶奉使者不荅拜也

夕夫人使下大夫韋弁歸禮

鄭注夕問卿之夕也使下大夫下君也君使之云夫

人者以致辭當稱寡小君

堂上籩豆六設于戶東西上二以竝東陳

鄭注籩豆六者下君禮也設于戶東又辟饌位也其

設脯其南醢屈六籩六豆

釋曰致饗餼堂上之饌八設于戶西

壺設于東序北上二以竝南陳醲黍清皆兩壺

鄭注醲白酒也凡酒稻為上黍次之梁次之皆有清

白以黍閒清白者互相備明三酒六壺也先言醲白

酒尊先設之

釋曰上介四豆四籩四壺知此六豆六籩六壺

大夫以束帛致之

鄭注致夫人命也此禮無牢下朝君也

賓如受饗之禮賓之乘馬束錦上介四豆四籩四壺受

之如賓禮

鄭注四壺無稻酒也不致牢下于君也

釋曰饗餼有牢

賓之兩馬束錦明日賓拜禮于朝

鄭注于是乃言賓拜明介從拜也今文禮為醴

釋曰夫人禮不及士介亦下于君

大夫餼賓大牢米八筐

鄭注其陳于門外黍梁各二筐稷四筐二以竝南陳

無稻牲陳于後東上不饌于堂庭辟君也

釋曰君餼賓亦牲在米南東上

賓迎再拜老牽牛以致之賓再拜稽首受老退賓再拜

送

鄭注老室老大夫之貴臣

上介亦如之衆介皆少牢米六筐皆士牽羊以致之

鄭注米六筐者又無梁也士亦大夫之貴臣

公于賓壹食再饗

鄭注饗謂亨大牢以飲賓也公食大夫禮曰設洗如饗則饗與食互相先後也古文壹皆爲一今文饗皆

爲鄉

燕與羞俶獻無常數

鄭注羞謂禽羞鴈鶩之屬成熟煎和也俶始也始獻四時新物聘義所謂時賜無常數由恩意也古文俶作淑

釋曰曰羞則若內羞庶羞知成熟煎和者聘義曰主

國待客出入三積餼客于舍五牢之具陳于內米三十車禾三十車芻薪倍禾皆陳于外乘禽日五雙羣介皆有餼牢壹食再饗燕與時賜無數所以厚重禮也

賓介皆明日拜于朝上介壹食壹饗

鄭注饗食賓介爲介從饗獻矣復特饗之客之也若不親食使大夫各以其爵朝服致之以侑幣如致饗無儻

鄭注君不親食謂有疾及他故也必致之不廢其禮

也致之必使同班敵者易以相親敬也致禮于卿使卿致禮于大夫使大夫非必命數也無儻以己本宜往古文侑皆作宥

致饗以酬幣亦如之

鄭注酬幣饗禮酬賓勸酒之幣也所用未聞也禮幣束帛乘馬亦不是過也禮器曰琥璜爵蓋天子酬諸侯

釋曰琥璜爵者用琥若璜以將酬幣也春秋傳秦后子享晉侯有酬幣聘義曰卿爲上擯大夫爲承擯士

爲紹擯君親禮賓賓私面私覲致饗餼還圭璋賄贈饗食燕所以明賓客君臣之義也

大夫于賓壹饗壹食上介若食若饗若不親饗則公作大夫致之以酬幣致食以侑幣

鄭注作使也大夫有故君必使其同爵者爲之致之列國之賓來榮辱之事君臣同之

釋曰燕不致者燕無幣故也春秋傳韓宣子來聘宴于季氏則大夫亦有燕賓之禮

君使卿皮弁還玉于館

鄭注玉圭也君子于玉比德焉以之聘重禮也還之者德不可取于人相切厲之義也皮弁者始以此服受之不敢不終也

釋曰聘義曰以圭璋聘重禮也已聘而還圭璋此輕財而重禮之義也諸侯相厲以輕財重禮則民作讓

矣

賓皮弁襲迎于外門外不拜帥大夫以入

鄭注迎之不拜示將去不純為主也帥道也今文曰迎于門外古文帥為率

大夫升自西階鉤楹

鄭注鉤楹由楹內將南面致命致命不東面以賓在

下也必言鉤楹者賓在下嫌楹外也

賓自碑內聽命升自西階自左南面受圭退負右房而

立

鄭注聽命于下敬也自左南面右大夫且竝受也必

並受者若曷君前耳

案曷各本作鄉今從釋文退為及張淳儀禮識誤訂正

大夫降逡遁今文或曰由自西階無南面

釋曰竝受者若在主國君前受也賓介初受圭于君

前亦同面先儒說大夫士直有東房天子諸侯乃有左右房此大夫之廟而有右房或曰此公館也故有右房當攷

大夫降中庭賓降自碑內東面授上介于阼階東

鄭注大夫降出言中庭者爲賓降節也授于阼階東者欲親見賈人藏之也賓還阼階下西面立

上介出請賓迎大夫還璋如初入

鄭注出請請事于外以入告也賓雖將去出入猶東大惟升堂由西階凡介之位未有改也

賓謁迎大夫賄用束紡

鄭注賄予人財之言也紡紡絲爲之今之縛也所以遺聘君可以爲衣服相厚之至也

釋曰還圭以報聘禮玉束帛乘皮以報享復加此束紡以厚聘君也

禮玉束帛乘皮皆如還玉禮

鄭注禮禮聘君也所以報享也亦言玉璧可知也今大文禮皆作醴

釋曰圭璋言還禮玉言禮則主國自以璧琮報享也

卿不報聘君之幣者尊卑不敵
大夫出賓送不拜公館賓

鄭注為賓將去親存送之厚殷勤且謝聘君之意也

公朝服

賓辟

鄭注不敢受主國君見己于此館也

案今注疏本脫主字此亦

不見言辟者君在廂門敬也凡君有事于諸臣之家

車造廂門乃下

上介聽命

鄭注聽命于廂門中西面如相拜然也賓者每贊君

辭則曰敢不承命告于寡君之老

聘享夫人之聘享問大夫送賓公皆再拜

鄭注拜此四事公東面拜擯者北面

釋曰孔子問人于他邦再拜而送之

公退賓從請命于朝

鄭注賓從者實為拜主君之館己也言請命者以己

不見不敢斥尊者之意

公辭賓退

鄭注辭其拜也退還館裝駕為旦將發也周禮曰賓從拜辱于朝明日客拜禮賜遂行

賓三拜乘禽于朝訝聽之

鄭注發去乃拜乘禽明已受賜大小無不識

釋曰乘禽所謂禮賜

遂行舍于郊

鄭注始發且宿近郊自展輪

公使卿贈如覲幣

鄭注贈送也所以好送之也言如覲幣見為反報也

今文公為君

釋曰贈贈賄也布帛曰賄賄用束紡是也春秋傳曰

入有郊勞出有贈賄齊國莊子來聘自郊勞至于贈

賄禮成而加之以敏魯昭公如晉自郊勞至于贈賄

無失禮則諸侯相朝郊勞贈賄之節亦同也贈之多

少視覲幣秦西乞術來聘魯以為君子厚賄之厚賄

之則所贈加于覲幣

受于舍門外如受勞禮無僨

鄭注不入無僨明去而宜有已也如受勞禮以贈勞

同節

使下大夫贈上介亦如之使士贈眾介如其覲幣大夫親贈如其面幣無償贈上介亦如之使人贈眾介如其面幣士送至于竟使者歸及郊請反命

鄭注郊近郊也告郊人使請反命于君也

案請今注疏本訛作

言必請之者以己久在外嫌有罪惡不可以入春秋時鄭伯惡其大夫高克使之將兵遂而不納此蓋請而不得入

朝服載壇

鄭注行時稅舍于此郊今還至此正其故行服以俟君命敬也古文壇作膳

禳乃入

鄭注禳祭名也為行道累歷不祥禳之以除災凶

乃入陳幣于朝西上上賓之公幣私幣皆陳上介公幣陳他介皆否

鄭注皆否者公幣私幣皆不陳此幣使者及介所得于彼國君卿大夫之贈賜也其或陳或不陳詳尊而略卑也其陳之及卿大夫處者待之如夕幣其禮于

君者不陳上賓使者公幣君之賜也私幣卿大夫之幣也他介士介也言他容眾從者

釋曰陳幣者榮己之賜也禮于君者謂束紡束帛乘皮不陳執以反命也

束帛各加其庭實皮左

鄭注不加于其皮上榮其多也

公南鄉

鄭注亦宰告于君君乃朝服出門左南鄉

卿進使者使者執圭垂纁北面上介執璋屈纁立于其

左

鄭注此主于反命士介亦隨入竝立東上

反命曰以君命聘于某君某君受幣于某宮某君再拜

以享某君某君再拜

鄭注君亦揖使者進之乃進反命也某君某國君也

某宮若言桓宮僖宮也某君再拜謂再拜受也必言

此者明彼君敬己君不辱命

宰自公左受玉

鄭注亦于使者之東同面竝受也不右使者由便也

受上介璋致命亦如之

鄭注變反言致者若云非君命也致命曰以君命聘

于某君夫人某君再拜以享于某君夫人某君再拜

不言受幣于某宮可知略之

執賄幣以告曰某君使某子賄授宰

鄭注某子若言高子國子凡使者所當以告君者上

介取以授之賄幣在外也

禮玉亦如之

鄭注亦執束帛加璧也告曰某君使某子禮宰受之

士隨自後左士介受乘皮如初上介出取玉束帛士

介從取皮也

從今注疏本訛作後

釋曰士受皮者亦如受享時由執皮者後惟左士介

為異耳

執禮幣以盡言賜禮

鄭注禮幣主國君初禮賓之幣也以盡言賜禮謂自

此至于贈

公曰然而不善乎

鄭注善其能使于四方而猶女也

釋曰使所吏反

授上介幣再拜稽首公荅再拜

鄭注授上介幣當拜公言也不授宰者當復陳之

釋曰復陳于故處

私幣不告

鄭注亦略卑也

君勞之再拜稽首君荅再拜

鄭注勞之以道路勤苦

若有獻則曰某君之賜也

鄭注言此物某君之所賜予為惠者也其所獻雖珍

異不言某為彼君服御物謙也其大夫出反必獻忠

孝也

君其以賜乎

鄭注不必其常君也獻不拜者為君之荅己也

上介徒以公賜告如上賓之禮

鄭注徒謂空手不執其幣

君勞之再拜稽首君荅拜勞士介亦如之

鄭注士介四人旅荅一拜又賤也

君使宰賜使者幣使者再拜稽首

鄭注以所陳幣賜之也禮臣子人賜之而必獻之君父不敢自私服也君父因以予之則拜受之如更受賜也既拜宰以上幣授之

賜介介皆再拜稽首

鄭注士介之幣皆載以造朝不陳之耳與上介同受賜命俱拜既拜宰亦以上幣授上介

釋曰至此不別上介知與士介同拜賜

乃退

鄭注君揖入皆出去
介皆送至于使者之門

鄭注將行俟于門反又送于門與尊長出入之禮也

乃退揖

鄭注揖別也

使者拜其辱

鄭注隨謝之也再拜上介三拜士介

釋曰士卑禮之各一拜

釋幣于門

鄭注門大門也主于闌布席于闌西闕外東面設洗于門外東方其餘如初于禴時出于行入于門不兩告告所先見也

釋曰特牲饋合設筮席于門中闌西闕外西面此東面者神位在西也洗當東榮故門外設之亦于東方乃至于禴筮几于室薦脯醢

鄭注告反也薦進也

觴酒陳

鄭注主人酌進奠一獻也言陳者將復有次也先薦

後酌祭禮也行釋幣反釋奠略出謹入也

釋曰燕飲先獻而後薦祭禮先薦而後奠不言奠而曰陳者陳者次第之言并後再獻俱列之

席于阼

鄭注爲酢主人也酢主人者祝取爵酌不酢于室異于祭

釋曰饋食禮祝酌酢主人于室

薦脯醢

鄭注成酢禮也

三獻

鄭注室老亞獻士三獻也每獻奠輒取爵酌主人自酌也

一人舉爵

鄭注三獻禮成更起酒也主人奠之未舉也

獻從者

鄭注從者家臣從行者也主人獻之勞之也皆升飲酒于西階上不使人獻之辟國君也

行酬乃出

鄭注主人舉奠酬從者下辯室老亦與焉也

上介至亦如之

釋曰士之初行不釋幣故反亦不告祭

儀禮集釋卷十三

儀禮集釋卷十四

宋李如圭撰

聘禮

聘遭喪人竟則遂也

鄭注遭喪主國君薨也入竟則遂國君以國為體士

既請事已入竟矣關人未告則反

釋曰春秋傳季文子將聘于晉使求遭喪之禮以行

謂此禮

不郊勞

鄭注子未君也

釋曰無使臣義春秋武氏子來求賻不稱使天子當

喪未君案前本文七俱無于皆與亦數喪之數以皆

不筵几

鄭注致命不于廟就尸柩于殯宮又不神之

釋曰凡殯宮不筵几者未忍異于生

不禮賓

案禮當作禮

鄭注喪降事也

主人畢歸禮

賓惟饗餼之受

鄭注賓于飲食

案于今注疏本作所

不可廢也禮謂饗餼饗食

鄭注受正不受加也

釋曰掌客職曰遭主國之喪不受饗食受牲禮

不賄不禮玉不贈

鄭注喪殺禮為之不備

釋曰為于偽反下為鄰為之為致同

遭夫人世子之喪君不受使大夫受于廟其他如遭君

喪

鄭注夫人世子死君爲喪主使大夫受聘禮不以凶接吉也其他謂禮所降

釋曰服問云君所主夫人妻大子適婦衰麻非所以接弁冕也

遭喪將命于大夫主人長衣練冠以受

鄭注遭喪謂主國君薨夫人世子死也此三者皆大夫攝主人長衣素純布衣也去衰易冠不以純凶接純吉也吉時在裏爲中衣中衣長衣繼皆掩尺表之曰深衣純袂寸半耳君喪不言使大夫受子未君無

使臣義也

釋曰更自遭喪不蒙上夫人世子之文知主國君薨亦使大夫受也長衣制如深衣皆用布連衣裳爲之深衣緣以采長衣緣以素且繼袂一尺爲異耳練冠練布爲冠也雜記大夫筮宅史練冠長衣以筮則長衣練冠以凶接吉之服也臣爲君斬爲夫人世子期今權制此服略爲一等耳

聘君若薨于後入竟則遂

鄭注旣接于主國君也

赴者未至則哭于巷衰于館

鄭注未至謂赴告主國君者也哭于巷者哭于巷門未可為位也衰于館未可以凶服出見人其聘享之事自若吉也今文赴作訃訃為報神為主人訃也釋曰君訃未至主國不敢專館為位而哭故哭于巷也曾子與客立于門側其徒之父死將出哭于巷受禮

鄭注受饗餼也
不受饗食

鄭注亦不受加

赴者至則衰而出

鄭注禮為鄰國闕于是可以凶服將事也

惟稍受之

鄭注稍稟食也

釋曰掌客職曰賓客有喪惟芻稍之受

歸執圭復命于殯升自西階不升堂

鄭注復命于殯者臣子之于君父存亡同

釋曰春秋傳吳子僚使季子聘于止國公子光弑僚

季子至復命哭墓復命皆如字

子卽位不哭

鄭注將有告請之事宜清靜也不言世子者君薨也

諸臣待之亦皆如朝夕哭位

辯復命如聘

鄭注自陳幣至于上介以公賜告無勞

子臣皆哭

鄭注使者既復命子與羣臣皆哭

與介入北鄉哭

鄭注北鄉哭新至別于朝夕

出袒括髮

鄭注悲哀變于外臣也

入門右卽位踊

鄭注從臣位自哭至踊如奔喪禮

釋曰奔喪曰至于家入門左升自西階殯東西面坐

哭盡哀括髮袒降堂東卽位西鄉哭成踊春秋傳魯

公孫歸父聘于晉還至笙聞君薨家遣壇帷復命于

介既復命袒括髮卽位哭三踊而出遂奔齊君子善

之

若有私喪則哭于館衰而居不饗食

鄭注私喪謂其父母也

案今注疏本脫也字

哭于館衰而居不

敢以私喪自聞于主國凶服于君之吉使

案干今注疏本訛作

于春秋傳曰大夫以君命出聞喪徐行而不反

人釋曰使所吏反

歸使眾介先衰而從之

鄭注已有齊斬之服不忍顯然趨于往來其在道路

使介居前歸又請反命已猶徐行隨之君納之乃朝

服既反命出公門釋服哭而歸其他如奔喪之禮吉

時道路深衣

賓入竟而死遂也主人為之具而殯

鄭注具謂始死至殯所當用

介攝其命

鄭注為致聘享之禮也初時上介接聞命

君弔介為主人

鄭注雖有臣子親姻猶不為主人以介與賓竝命于

君尊也

主人歸禮幣必以用

鄭注當中奠贈諸喪具之用不必如賓禮

釋曰周禮掌客凡賓客死致禮以喪用

介受賓禮無辭也

鄭注介受主國賓己之禮無所辭也以其當陳之以

反命也有賓喪嫌其辭之

不饗食歸介復命柩止于門外

鄭注門外大門外也必以柩造朝達其忠心

介卒復命出奉柩送之君弔卒殯

鄭注卒殯成節乃去

若大夫介卒亦如之

鄭注不言上介者小聘上介士也

士介死爲之棺斂之

鄭注不具他衣物也自以時服也

君不弔焉

鄭注主國君使人弔不親往

釋曰士喪禮君有賜則視斂常禮君不親弔士

若宥死未將命則旣斂于棺造于朝介將命

鄭注未將命謂俟閒之後也

案謂今注疏本訛作請

以柩造朝

以己至朝志在達君命

釋曰春秋傳楚伐吳陳侯使公孫貞子弔焉及良而卒將以尸入吳子使太宰嚭勞且辭上介對曰君曰無以尸造于門是我寡君之命委于草莽也且臣聞之事死如事生禮也于是有朝聘而終以尸將事之禮又有朝聘而遭喪之禮若不以尸將事是遭喪而還也無乃不可乎吳人內之据此傳則賓入竟而死

者皆以柩造朝

若介死歸復命惟上介造于朝若介死雖士介賓既復命往卒殯乃歸

鄭注往謂送柩

小聘曰問不享有獻不及夫人主人不筵几不禮面不升不郊勞

鄭注記貶于聘所以為小也獻私獻也面猶覲也今

文禮作醴

案各本脫此五字據集說正誤補

釋曰周禮曰諸侯之邦交歲相問殷相聘殷中也聘義曰比年小聘五年大聘不禮者不禮賓面不升者

私覲庭中受之不升堂鄭注不升堂者不升堂而升堂其禮如為介三介鄭注如為介三介

鄭注如為介如為大聘上介

釋曰其禮謂得主國之禮也三介者大夫降于卿二

等然則公之卿聘士介者小聘使大夫五介子男之

卿聘三介者小聘使大夫一介

記从無事則聘焉

鄭注事謂盟會之屬

若有故則卒聘束帛加書將命百名以上書于策不及

百名書于方

鄭注故謂災患及時事相告請也將猶致也名書文

也今謂之字策簡也方版也

主人使人與客讀諸門外

鄭注受其意既聘享賓出而讀之讀之不于內者案

注疏本不重讀人稠處嚴不得審悉主人國君也人

內史也書必璽之

釋曰周禮凡四方之事書內案此下

客將歸使大夫以其束帛反命于館

鄭注為書報也

明日君館之

鄭注既報館之書問尚疾也

既受行出遂見宰問幾月之資

鄭注資行用也古者君臣謀密草創未知所之遠近

主問行用當知多少而已古文資作齎

使者受行日

案使者下原本及今注疏本皆有既字據唐石經刪正

朝同位

鄭注謂前夕幣之間同位者使者北面介立于左少

退別處臣也

案原本作別其處臣也今注疏本作別于其處臣也據釋文舉別處二字張淳

儀禮識誤辨證甚明今刪正

出祖釋較祭酒脯乃飲酒于其側

鄭注祖始也既受聘享之禮行出國門止陳車騎釋

酒脯之奠于較為行始也詩傳曰較道祭也謂祭道

路之神春秋傳曰較涉山川然則較山行之名也道

路以險阻為難是以委土為山或伏牲其上

案今注疏本脫

或使者為較祭酒脯祈告也卿大夫處者于是餞之

飲酒于其側禮畢乘車轅之而遂行舍于近郊矣其

牲犬羊可也古文較作祓

所以朝天子圭與纁皆九寸剡上寸半厚半寸博三寸

纁三采六等朱白倉

案今注疏本作蒼唐石經亦作倉古通用

鄭注圭所執以為瑞節也剡上象天圓地方也雜采

曰纁以韋衣木板飾以三色再就所以薦玉重慎也

九寸上公之圭也

案上今注疏本訛作三

古文纁或作藻今文

作璪

釋曰剡銳也等猶行也每采畫之再行三采故六等

出一等為一就是為三采三就此注云再就者一行為

一就每色再就也雜記曰圭公九寸侯伯七寸博三

寸厚半寸剡上左右各寸半玉也藻三就六等子男

則璧徑五寸纁二采四等纁文象水草故字或作藻

孔穎達雜記正義引此記文朱白倉下重有朱白倉

三字

問諸侯朱綠纁八寸

鄭注二采再就降于天子也于天子曰朝于諸侯曰

問記之于聘文互相備

釋曰于朝舉天子則自相朝亦然于聘舉諸侯則聘

天子亦如之此聘圭之纁采為一行二采共為再行

與朝圭纁異周禮典瑞曰王搢大圭執鎮圭纁藉五采五就以朝日公執桓圭侯執信圭伯執躬圭纁皆三采三就子執穀璧男執蒲璧纁皆二采再就以朝覲宗遇會同于王諸侯相見亦如之瑑圭璋璧琮纁皆二采一就以頰聘八寸亦謂上公之聘圭也考工記曰瑑圭璋八寸璧琮八寸以頰聘侯伯聘圭當六寸子男則四寸各降其君之瑞一等考工記又曰璧琮九寸諸侯以享天子瑑琮八寸諸侯以享夫人亦據上公禮互言之則五等侯享天子及后之璧琮大

小各如其瑞諸侯自相享見降其瑞一等皆立纁繫長尺紉組

鄭注采成文曰紉繫無事則以繫玉因以爲飾皆用五采組上以立下以絳爲地今文紉作約釋曰纁淺絳也曰立纁矣而又曰紉知以立纁爲地而加五采組也下謂垂之在下者問大夫之幣俟于郊爲肆又齋皮馬

鄭注肆猶陳列也齋猶付也使受命宰夫載問大夫之禮待于郊陳之爲行列至則以付之也使者

初行舍于近郊幣云肆馬云齋因其宜亦互文也不于朝付之者辟君禮也必陳列之者不夕也古文肆為肆

釋曰不言賓介私覲之幣則私覲幣賓介自齋以行也

辭無常孫而說

鄭注孫順也大夫使受命不受辭辭必順且說

釋曰春秋公羊傳曰聘禮大夫受命不受辭

辭多則史少則不達

鄭注史謂策祝

釋曰論語曰辭達而已矣

辭苟足以達義之至也

鄭注至極也今文至為砥

辭曰非禮也敢對曰非禮也敢

鄭注辭辭不受也對荅問也二者皆卒曰敢言不敢

釋曰此皆贊賓辭

卿館于大夫大夫館于士士館于工商

鄭注館者必于廟不館于敵者之廟為大尊也自官

師以上有廡有寢工商則寢而已
管人為客三日具沐五日具浴

鄭注管人掌客館者也客謂使者下及士介也

飧不致

鄭注不以束帛致命草次饌飧具輕

賓不拜

鄭注以不致命

釋曰明日不拜賜于朝

沐浴而食之

鄭注自潔清尊主國君賜也記此重者沐浴可知

卿大夫訝大夫士訝士皆有訝

鄭注卿使者大夫士介也士眾介也訝主國君所使

迎待賓者如今使者護客

賓即館訝將公命

鄭注使已迎待之命

又見之以其摯

鄭注又復也復以私禮見者訝將舍于賓館之外宜

相親也大夫訝者執鴈士訝者執雉

賓既將公事復見之

案之今注疏本作訝唐石經及敖繼公本亦作之

以其摯

鄭注既已也公事聘享問大夫復報也使者及上介

執鴈羣介執雉各以見其訝

釋曰周禮掌訝由士為之與士迎賓于疆至于國賓

入館次于舍門外待事于客又曰凡賓客諸侯有卿

訝卿有大夫訝大夫有士訝士皆有訝彼天子之禮

掌訝與訝賓異人此諸侯禮無掌訝通以訝賓為之

賓即館訝始將公命明非與士逆于竟者復如字下

復故同

凡四器者惟其所寶以聘可也

鄭注言國獨以此為寶也四器謂圭璋璧琮

宗人授次次以惟少退于君之次

鄭注主國之門外諸侯及卿大夫之所使者次位皆

有常處

上介執圭如重授賓

鄭注慎之也曲禮曰凡執主器執輕如不克

賓入門皇升堂讓將授志趨

鄭注皇自莊盛也讓謂舉手平衡也志猶念也念趨

謂審行步也孔子之執圭鞠窮如也

案各本訛作躬釋文云鞠窮

劉音弓張淳儀禮識誤云爾雅鞠究窮也鞠窮蓋複語自論語作鞠躬學者遂不復致思于其間安知非鞠窮若踧踏之謂者乎如不勝上如揖下如授勃如如是則劉音亦誤矣

戰色足縮縮如有循古文皇皆作王

授如爭承下如送君還而后退

鄭注重失隊也

案此句上今注疏本有爭爭鬪之爭五字乃釋文訛入注內

而后

猶然後也

釋曰授如爭承授玉時

下階發氣怡焉再三舉足又趨

鄭注發氣舍息也再三舉足自安定乃復趨也此云

舉足

案此云上今注疏本有至字

則志趨卷豚而行也孔子之升

堂鞠窮如也

案窮各本亦訛作躬據釋文訂正

屏氣似不息者出降

一等逞顏色怡怡如也没階趨進翼如也

及門正焉

鄭注容色復故此皆心變見于威儀

執圭入門鞠窮焉如恐失之

案此窮字各本亦訛作躬據釋文訂正魏氏儀禮要

義云温本作鞠窮焉

鄭注記異說也

及享發氣焉盈容

鄭注發氣舍氣也孔子之于享禮有容色

衆介北面踰焉

鄭注容貌舒揚

私覲愉愉焉

鄭注容貌和敬

出如舒鴈

鄭注威儀自然而行列舒鴈鵠也

釋曰聘時戰色及享舒緩發氣盈容私覲愉愉出如

舒鴈又舒緩于愉愉矣

皇且行入門主敬升堂主慎

鄭注復記執玉異說

凡庭實隨入左先皮馬相閒可也

鄭注隨入不並行也閒猶代也土物有宜君子不以

所無為禮畜獸同類可以相代古文閒作干

釋曰皮北面西上故左先

賓之幣惟馬出其餘皆東

鄭注馬出當從殿也餘物皆東藏之內府

多貨則傷于德

鄭注貨天地所化生謂玉也君子于玉比德焉朝聘

之禮以為瑞節重禮也多之則是主于貨傷其為德

宋傷下今注疏本有敗字

幣美則沒禮

鄭注幣人所造成以自覆幣謂束帛也愛之斯欲衣

食之君子之情也是以享用幣所以副忠信美之則

是主于幣而禮之本意不見也

釋曰荀子曰聘禮志曰聘厚則傷德財侈則殄禮禮

主云禮云玉帛云乎哉

賄在聘于賄

鄭注賄財也于讀曰為言主國禮賓當視賓之聘禮

而為之財也賓客者主人所欲豐也若苟豐之是又

傷財也周禮曰凡諸侯之交名稱其邦而為之幣以

其幣為之禮古文賄皆作悔豆而卑

凡執玉無藉者襲

鄭注藉謂繅也繅所以縕藉玉則至矣

禮不拜至

鄭注以賓不于是始至今文禮為醴

釋曰諸侯以國為家賓入竟則既至矣

醴尊于東箱

案箱各本作廂唐石經作箱古字通用

瓦大一有豐

鄭注瓦大瓦尊豐承尊器如豆而卑

薦脯五臠祭半臠橫之

鄭注臠脯如版然者或謂之脰皆取直貌焉

祭醴再扱始扱一祭卒再祭

鄭注卒謂後扱

主人之庭實則主人遂以出賓之士訝受之

鄭注此謂餘三馬也左馬賓執以出矣士士介從者

既覲賓若私獻奉獻將命

鄭注時有珍異之物或賓奉之所以自序尊敬也猶

以君命致之

擯者入告出禮辭

鄭注辭其獻也

賓東面坐奠獻再拜稽首

鄭注送獻不入者奉物禮輕

釋曰司儀職云及禮私面私獻皆再拜稽首君荅拜

擯者東面坐取獻舉以入告出禮請受

鄭注東面坐取獻者以宜並受也其取之由賓南而

賓自後右客也

釋曰擯者自門東適賓南由賓後于賓北取幣

賓固辭公荅再拜

鄭注拜受于賓也固亦衍字

擯者立于闕外以相拜賓辟

鄭注相贊也古文闕為蹙

擯者授宰夫于中庭

鄭注東藏之既乃介覲

若兄弟之國則問夫人

鄭注兄弟謂同姓若婚姻甥舅有親者問猶遺也謂

獻也不言獻者變于君也非兄弟獻不及夫人

若君不見

鄭注君有疾若他故不見使者

使大夫受

鄭注受聘享也大夫上卿也

自下聽命自西階升受負右房而立賓降亦降

鄭注此儀如還圭然而賓大夫易處耳今文無而釋曰易處大夫自賓左受之

不禮

鄭注辟正主也古文禮作醴案今注疏本脫此五字

幣之所及皆勞不釋服

鄭注以與賓接于君所賓又請有事于己不可以不速也所不及者下大夫未嘗使者也不勞者以先是賓請有事于己同類既聞彼為禮所及則已往有嫌也所以知及不及者賓請有事固曰某子某子

賜饗惟羹飪筮一尸若昭若穆

鄭注羹飪謂飪一牢也肉謂之羹惟是祭其先大禮之盛者也筮尸若昭若穆容父在父在則祭祖父卒則祭禰腥餼不祭則士介不祭也士之初行不釋幣于禰不祭可也古文羹為羔飪作臚

僕為祝祝曰孝孫某孝子某薦嘉禮于皇祖某甫皇考某子

鄭注僕為祝者大夫之臣攝官也

如饋食之禮

鄭注如少牢饋食之禮不言少牢今以大牢也今文無之

假器于大夫

鄭注不敢以君之器為祭器

盼肉及廋車

鄭注盼猶賦也廋廋人也車巾車也二人掌視車馬之官也賦及之明辯也古文盼作紛

聘日致饗

鄭注急歸大禮

案今注疏本脫此注四字

明日問大夫

鄭注不以殘日問人崇敬也古文曰問夫人也

案今注疏

本訛作問大夫也

夕夫人歸禮

鄭注與君異日下之也今文歸作饋

既致饗旬而稍宰夫始歸乘禽日如其饗餼之數

鄭注稍稟食也乘禽

案禽今注疏本訛作謂

乘行之禽也謂鴈

鶩之屬其歸之以雙為數其賓與上介也古文既為

餼

釋曰賓饗餼五牢故聘義云乘禽日五雙上介三牢則三雙致饗十日之後賓不得時反始有致稍歸禽之禮

士中日則三雙

鄭注中猶閒也不一日一雙大寡不敬也

釋曰士介一牢宜日一雙

凡獻執一雙委其餘于面

鄭注執一雙以將命也面前也其受之也

案也今注疏本訛作

則上介受以入告之士舉其餘從之賓不辭拜受于

庭上介執之以相拜于門中乃入授人上介受亦如

之士介拜受于門外

釋曰少儀曰禽加于一雙則執一雙以將命委其餘

云凡獻知受之如受賓私獻之禮也不辭者歸禽禮

輕上介受如賓士介受于門外皆放受饗餼禮

禽羞俶獻比

鄭注比放也其致之禮如乘禽也禽羞謂成熟有齊

和者俶獻四時珍美新物也俶始也言其始可獻也

聘義謂之時賜

歸大禮之日既受饗餼請觀

鄭注聘于是國欲見其宗廟之好百官之富若尤尊

大之焉故出其庭之斷收乘禽以禽養賄如燕食齊

釋曰吳季札聘魯請觀于周樂晉韓起聘魯觀書于

太史氏皆其事士介受于門外故其受饗餼斷

訝帥之自下門入故受齊餼斷之斷也下猶答說禽斷

鄭注帥猶道也從下門外入游觀非正也命委其餼

各以其爵朝服

鄭注此句似非其次案今注疏本脫宜在凡致禮下

似非其次四字

絕爛在此案今注疏本脫

士無饗無饗者無擯

鄭注謂歸餼也

釋曰擯當為饋

大夫不敢辭君初為之辭矣

鄭注此句亦非其次案今注疏本脫宜在明日問大

夫之下

凡致禮皆用其饗之加籩豆

鄭注凡致禮謂君不親饗賓及上介以酬幣致其禮

也其其賓與士介也加籩豆謂其實也亦實于饗筐

以饗禮今亡其饗之豆

釋曰醢醢豆實也歸饗餼有醢醢百饗

無饗者無饗禮

六鄭注士介無饗禮

凡餼大夫黍梁稷筐五斛

鄭注謂大夫餼賓上介也器寡而大畧

釋曰君餼以多為榮故米管器小而數多也

既將公事賓請歸

鄭注謂已問大夫事畢請歸不敢自尊謙也主國畱
之饗食燕獻無日數盡殷勤也
凡賓拜于朝訝聽之

鄭注拜拜賜也惟稍不拜

釋曰稍米稟芻薪

燕則止介為賓賓為苟敬

鄭注饗食君親為主尊賓也燕私樂之禮崇恩殺敬

也賓不欲主君復舉禮事禮已于是辭為賓君聽之

從諸公之席命為苟敬苟敬者主人所以小敬也更

降迎其介以為賓介大夫也雖為賓猶卑于君君則
 不與亢禮也主人所以致敬者自敵以上賓皆謂之
 釋曰燕禮記曰若與四方之賓燕則公迎之于大門
 外揖讓升賓為苟敬席于阼階之西北面有胥不嘑
 肺不啐酒其介為賓無膳尊無膳爵

宰夫獻

鄭注為主人代公獻

無行則重賄反幣

鄭注無行謂獨來復無所之也必重其賄與反幣者

使者歸以得禮多為榮所以盈聘君之意也反幣謂

禮玉束帛乘皮所以報聘君之享禮也昔秦康公使

西乞術聘于魯辭孫而說襄仲曰不有君子其能國

乎厚賄之此謂厚賄反幣者也今文曰賄反幣

曰子以君命在寡君寡君拜君命之辱

鄭注此贊君拜聘享辭也在存也

釋曰公館賓所拜者四事此其贊辭

君以社稷故在寡小君拜

鄭注此贊拜夫人聘享辭也言君以社稷故者夫人

與君體敵不敢當其惠也其卒亦曰寡君拜命之辱君貺寡君延及二三老拜

鄭注此贊拜問大夫之辭貺賜也大夫曰老

又拜送案此經文及注今注疏本在君貺寡君之前唐石經亦在此

鄭注拜送賓也其辭蓋云子將有行寡君敢拜送自

拜聘享至此亦非其次案今注疏本脫自拜聘享至五字及亦非其次四字蓋後

人所妄刪宜承上君館之下

釋曰謂宜在上文明日君館之下也然愚按君館之

自終上有故加書之文此贊拜辭在重賄反幣下釋

皮帛謝主人上與公館賓之節正相當其次宜在此

賓于館堂楹間釋四皮束帛賓不致主人不拜

鄭注賓將遂去是館留禮以禮主人所以謝之也案今

注疏本脫也字不致不拜不以將別崇新敬也

大夫來使無罪饗之

鄭注樂與嘉賓為禮

過則餼之

鄭注餼之生致其牢禮也其致之辭不云君之有故

耳聘義曰使者聘而誤主君不親饗食所以愧厲之

也不言罪者罪將執之注云不陳饗食所以釋曰春秋時有執行人疑非古禮釋云不云其介為介

鄭注饗賓有介者賓尊行敵禮也

大釋曰春秋傳宋公兼饗晉楚之大夫趙孟為客子木與之言弗能對使叔向侍言焉子木亦不能對也叔向蓋為趙孟介而從饗者食禮介雖從入不從食也

有大客後至則先客不饗食致之

案今注疏本脫者字

鄭注卑不與尊者齊禮

惟大聘有几筵

鄭注謂受聘享時也小聘輕雖受于席不為神位

十斗曰斛十六斗曰簋十簋曰秉

鄭注秉十六斛今江淮之間量名有為簋者今文簋

為逾案文今注疏本訛作八

二百四十斗

鄭注謂一車之米秉有五簋

四秉曰筥

鄭注此秉謂刈禾盈手之秉也筥齊名也若今萊陽

之間刈稻聚把有名為筥者詩云彼有遺秉又云此有不斂穧

釋曰米禾皆有秉筥字同數異

十筥曰稷十稷曰秬四百秉為一秬

鄭注一車之禾三秬為千二百秉三百筥三十稷也

古文稷作縷

儀禮集釋卷十四

儀禮集釋卷十五

宋 李 如 圭 撰

公食大夫禮第九

鄭目錄云主國君以禮食小聘大夫之禮也

案今注疏本脫

也于五禮屬嘉禮大戴第十五小戴第十六別錄第

九

公食大夫之禮使大夫戒各以其爵

鄭注戒猶告也告之必使同班敵者易以相親敬

釋曰戒者必以其爵恭也已輕則卑之已重則是以

其貴臨之言各以其爵則凡大夫聘賓皆用此禮

上介出請入告

鄭注問所以為來事

案原本脫為字據釋文云以為于偽反謂此也今注疏本依釋

文補

三辭

鄭注為既先受賜不敢當

賓出拜辱

鄭注拜使者屈辱來迎已

大夫不荅拜將命

鄭注不荅拜為人使也將猶致也

賓再拜稽首

鄭注受命

大夫還

鄭注復于君

賓不拜送遂從之

鄭注不拜送者為從之不終事

賓朝服即位于大門外如聘

鄭注于是朝服則初時立端如聘亦入于次俟

卽位具

鄭注主人也擯者俟君于大門外卿大夫士序及宰夫具其饌物皆于席門之外

羹定

鄭注肉謂之羹定猶孰也案孰今注疏本作熟古通用孰著之者下

大以爲節

甸人陳鼎七當門南面西上設局鼎若束若編

鄭注七鼎一大牢也甸人豕宰之屬兼亨人者南面西上以其爲賓統于外也局鼎扛所以舉之者也凡

鼎甬蓋以茅爲之長則束本短則編其中央今文局

作鉉古文鼎皆作密

釋曰鼎七牛羊豕魚腊腸胃膚也吉時陳鼎于門外者北面于阼階下者西面皆北上茅之爲物潔白故

甬疑用之天官有甸師氏又有亨人諸侯甸人兼亨

人之事

設洗如饗

鄭注必如饗者先饗後食如其近者也饗禮亡燕禮則設洗于阼階東南古文饗或作鄉

釋曰春秋傳趙孟叔孫豹曹大夫入于鄭鄭伯兼享之子皮戒趙孟遂戒穆叔趙孟欲一獻及享具五獻之籩豆于幕下趙孟辭乃用一獻趙孟為客禮終乃宴飲酒樂此春秋時饗禮之可見者

小臣具槃匱在東堂下

鄭注為公盥也公尊不就洗小臣于小賓客饗食掌正君服位

釋曰特牲饋食禮尸盥匱水實于槃中篋巾

宰夫設筵加席几

鄭注設筵于戶西南面而左几公不賓至授几者親設滄醬可以略此

無尊

鄭注主于食不獻酬

飲酒漿飲俟于東房

鄭注飲酒清酒也漿飲馘漿也其俟奠于豐上也飲酒先言飲明非獻酬之酒也漿飲先言漿別于六飲也

釋曰此酒漿以醕口耳異于獻酬之酒與六飲也馘

之言載以其汁滓相載故曰載酒人職云共賓客之飲酒

凡宰夫之具饌于東房
鄭注凡非一也飲食之具宰夫所掌也酒漿不在凡中者雖無尊猶嫌在堂

公如賓服迎賓于大門外

鄭注不出大門降于國君

釋曰出門者待其君之禮也臣之意欲尊其君迎賓于門內所以順其尊君之意也

大夫納賓

鄭注大夫謂上擯也納賓以公命

釋曰卿為上擯

賓入門左公再拜賓辟再拜稽首

鄭注左西方賓位也辟逡遁不敢當君拜也

公揖入賓從

鄭注揖入道之

及席門公揖入

鄭注席禰席也

釋曰不言席名者皆禴席

賓入三揖

鄭注每曲揖及當碑揖相人偶

至于階三讓

鄭注讓先升

公升二等賓升

鄭注遠下人君

大夫立于東夾南西面北上

鄭注東夾南東西節也取節于夾明東于堂

士立于門東北面西上

鄭注統于門者非其正位辟賓在此

小臣東堂下南面西上宰東夾北西面南上

鄭注宰宰夫之屬也古文無南上

內官之士在宰東北西面南上

鄭注夫人之官內宰之屬也自卿大夫至此不先即

位從君而入者明助君饗食賓自無事

介門西北面西上

鄭注西上自統于賓也然則承擯已下立于士西少

進東上

釋曰承擯大夫也故少進于士上擯進相君退則反

其位負東塾而立

公當楣北鄉至再拜賓降也公再拜

鄭注楣謂之梁至再拜者與禮俟賓嘉其來也公再

拜賓降矣

釋曰凡言也者皆與下事為節

賓西階東北面答拜

鄭注西階東少就主君敬也

擯者辭

鄭注辭拜于下

拜也公降一等辭曰寡君從子雖將拜興也

鄭注賓降再拜公降擯者釋辭矣賓猶降終其再拜

稽首興起也

栗階升不拜

案栗上各本有賓字攷此句承上賓西階東北面答拜不必更言賓唐石經無賓字

者是今從之

鄭注自以已拜也栗實栗也不拾級連步趨主國君

之命不拾級而下曰走

案說文引春秋公羊傳曰走階而走今傳走作階釋文云

丑略反一本作是音同

釋曰實栗疾意升階之節前足涉一級後足從之併足相隨不相過是謂連步曲禮所謂拾級聚足連步以上是也栗階者其始升連步至上二等左右各一發而升堂歷階則從下至上皆越等無連步禮記杜賈入寢歷階而升是也公羊趙盾避靈公躅階而走謂左右足越三等即鄭所謂是命之成拜階上北面再拜稽首

鄭注賓降拜主君辭之賓雖終拜于主君之意猶為

不成

士舉鼎去鼎于外案鼎石經訛作第今從釋文為正次入陳鼎于碑南

南面西上案原本脫一南字唐石經同今據注疏本補右人抽扃坐奠于鼎

西南順出自鼎西左人待載

鄭注入由東出由西明為賓也今文奠為委古文待為持

雍人以俎入陳于鼎南旅人南面加匕于鼎退

鄭注旅人雍人之屬旅食者也雍人言入旅人言退文互相備也出入之由亦如舉鼎者匕俎每器一人

諸侯官多也由人之由亦吹聚釋曰大夫饋食禮匕俎皆合執以從一人一人一人一人大夫長盥洗東南西面北上序進盥退者與進者交于前卒盥序進南面匕

鄭注長以長幼也序猶更也前洗南

西釋曰北面盥

載者西面

鄭注載者左人

案此下今注疏本有也字

亦序自鼎東西面于其

前大夫匕則載之

魚腊飪

鄭注飪孰也

案孰今注疏本作孰

食禮宜孰饗有腥者

載體進奏

鄭注體謂牲與腊也奏謂皮膚之理也進其理本在前下大夫體七箇

魚七縮俎寢右

鄭注右首也寢右進髻也乾魚近腴多骨鯁

釋曰縮縱也賓在戶西南面俎東西陳其前魚在俎縱之于人為橫西首而寢其右則腹腴鄉南而進髻

脊近賓矣以少骨餽者鄉賓優賓也祭祀則體進下
魚進腴

腸胃七同俎

鄭注以其同類也不異其牛羊腴賤也此俎實凡二

十八

釋曰君子不食鬲腴鬲謂犬豕也取牛羊腴而已牛

與羊之腸及胃各七

倫膚七

鄭注倫理也謂精理滑脆者今文倫或作論

釋曰膚取豕之脅革肉為之

腸胃膚皆橫諸俎垂之

鄭注順其在牲之性也腸胃垂及俎拒

釋曰俎拒脛中當橫節

大夫既匕匕奠于鼎逆退復位

鄭注事畢宜由便也士匕載者又待設俎

公降盥

鄭注將設醬

賓降公辭

鄭注辭其從己

卒盥公壹揖壹讓公升賓升

鄭注揖讓皆壹殺于初古文壹皆作一

宰夫自東房授醢醬

鄭注授授公也醢醬以醢和醬

公設之

鄭注以其為饌本

賓辭北面坐遷而東遷所

鄭注東遷所奠之東側其故處也

案原本無也字釋文取處也二字下

云昌慮反今據釋文補入

釋曰賓遷之不敢當君設處且若親授然側猶近也

公立于序內西鄉

鄭注不立乍階上示親饌

賓立于階西疑立

鄭注不立階上以主君離乍也疑正立也自定之貌

今文曰西階

宰夫自東房薦豆六設于醬東西上韭菹以東醢醢昌

本昌本南麋鸚以西菁菹鹿鸚

鄭注醢醢醢有醢昌本昌蒲本菹也醢有骨謂之醢
菁蕒菁菹也今文蕒皆作麋西上菹菹以與醢昌

士設俎于豆南西上牛羊豕魚在牛南腊腸胃亞之

鄭注亞次也不言淨錯俎尊也

釋曰設豆淨設黍稷錯俎尊具其文

膚以為特

鄭注直豕與腸胃東也特膚者出下牲賤

旅人取七甸人舉鼎順出奠于其所

鄭注以其空也其所謂當門

釋曰士不舉鼎出者俟設俎士喪禮亦甸人舉鼎

宰夫設黍稷六簋于俎西二以並東北上黍當牛俎其

西稷錯以終南陳

鄭注並併也今文曰併古文簋皆作軌

大羹清不和實于鐙宰右執鐙左執蓋由門入升自阼

階盡階不升堂授公以蓋降出入反位

鄭注大羹清煮肉汁也大古之羹不和無鹽菜瓦豆

謂之鐙宰謂大宰宰夫之長也有蓋者饌自外入為

風塵今文清為汁又曰入門自阼階無升

釋曰清升自阼階者公親設之故也

公設之于醬西賓辭坐遷之

鄭注亦東遷所

宰夫設鉶四于豆西東上牛以西羊羊南豕豕以東牛

鄭注鉶菜和羹之器

釋曰以鼎煮牲取其骨體置之俎其汁謂之大羹

之以菜調以鹹酸盛之于鉶謂之鉶羹

案原本脫羹字今補

飲酒實于觶加于豐

鄭注豐所以承觶者也如豆而卑

釋曰觶之鼓反

宰夫右執觶左執豐進設于豆東

鄭注食有酒者優賓也設于豆東不舉也燕禮記曰

凡奠者于左

宰夫東面坐啓簋會各卻于其西

鄭注會簋蓋也亦一一合卻之各當其簋之西

釋曰會古外反後同

贊者負東房南面告具于公

鄭注負東房負房戶而立也南面者欲得鄉公與賓

也

公再拜揖食

鄭注再拜拜賓饌具

賓降拜

鄭注荅公拜

釋曰曲禮曰主人親饋則拜而食

公辭賓升再拜稽首

鄭注不言成拜降未拜

賓升席坐取韭菹以辯擣于醢上豆之間祭

鄭注擣猶染也今文無于

贊者東面坐取黍實于左手辯又取稷辯反于右手興以授賓賓祭之

鄭注取授以右手便也賓亦興受坐祭之于豆祭也

獨云贊興優賓也少儀曰受立授立不坐

釋曰簋俎去席遠故贊者取以授賓豆祭謂前祭豆處上豆之間

三牲之肺不離贊者辯取之壹以授賓

鄭注肺不離者剝之也不言剝剝則祭肺也此舉肺

不離而剝之便賓祭也壹猶稍也古文壹作一
釋曰離割也剝切也剝肺切之離肺離割之不絕其
中央少許剝肺直取以祭亦謂之祭肺離肺則絕之
以祭亦謂之舉肺剝肺惟祭祀乃有之
賓興受坐祭

鄭注于是云賓興受坐祭重牲也賓亦每肺興受祭
于豆祭

扱手扱上鉶以枳辯擣之上鉶之間祭
鄭注扱以枳扱其鉶菜也扱拭也拭以巾

祭飲酒于上豆之間魚腊醬清不祭
鄭注不祭者非食物之盛者也

釋曰魚腊不祭腸胃膚不祭可知或曰曲禮殺之序
徧祭之殺謂出于牲體者惟魚腊不祭耳

宰夫授公飯梁公設之于清西賓北面辭坐遷之
鄭注既告具矣而又設此殷勤之加也遷之遷而西
之以其東上也

釋曰東上統于正饌

公與賓皆復初位

鄭注位序內階西

宰夫膳稻于梁西

鄭注膳猶進也進稻梁者以簋

士羞庶羞皆有大蓋執豆如宰

鄭注羞進也庶衆也進衆珍味可進者也大以肥美

者特爲饗所以祭也魚或謂之膾膾大也惟醢醬無

大如宰如其進大羹清右執豆左執蓋

先者反之由門入升自西階

鄭注庶羞多羞人不足則相授于階上復出取也

先者一人升設于稻南簋西間容人

鄭注簋西黍稷西也必言稻南者明庶羞加不與正

豆併也間容人者賓當從間往來也

釋曰庶羞與稻梁皆加故繼稻言之

旁四列西北上

鄭注不統于正饌者雖加自是一體是所謂羹載中

別

釋曰曲禮曰左殺右載殺骨體也爲正饌載切肉也

爲庶羞肉謂之羹羹則殺也正饌在東庶羞在西羹

載中別也管子弟子職篇曰羹載中別載在醬前其設要方飯是為卒左酒右醬

腳以東臠臠牛炙

鄭注腳臠臠今時臠也牛曰腳羊曰臠豕曰臠皆香

美之名也古文腳作香臠作熏

炙南醢以西牛臠醢牛鮓

鄭注先設醢淨之以次也內則謂鮓為鱠然則膾用

鮓今文鮓作鮓

釋曰醢配載而卑于載今設之載上者欲既設之五

醢醢相錯也內則曰膳腳臠臠醢牛炙醢牛臠牛臠牛臠

羊炙羊臠醢豕炙醢豕臠豕臠豕臠豕臠豕臠豕臠豕臠豕

臠以上與此庶羞同惟臠牛炙間衍醢字雉以下即

上大夫之加數彼又以鴛為鷓耳

鮓南羊炙以東羊臠醢豕炙炙南醢以西豕臠豕臠豕

膾

鄭注芥醬芥實醬也內則曰膾春用蔥秋用芥

衆人騰羞者盡階不升堂授以蓋降出

鄭注騰當作媵媵送也授授先者一人

贊者負東房告備于公

鄭注復告庶羞具者以其異饌也

贊升賓

鄭注以公命命賓升席

釋曰公不揖食者加饌禮殺

賓坐席末取梁即稻祭于醬清間

鄭注即就也祭稻梁不以豆祭祭加宜于加

釋曰稻梁加饌也醬清不祭亦正饌之加

贊者北面坐辯取庶羞之大興一以授賓賓受兼壹祭

之

鄭注一一受之而兼壹祭之庶羞輕也自祭之于腳

膳之間以異饌也

賓降拜

鄭注拜庶羞

公辭賓升再拜稽首公荅再拜

釋曰賓先拜庶羞公乃荅拜亦禮殺

賓北面自間坐左擁簋梁右執清以降

鄭注自間坐由兩饌之間也擁抱也必取梁者公所

設也以之降者堂尊處欲食于階下然也

釋曰曲禮曰客若降等執食與辭主人與辭于客然

後客坐

公辭賓西面坐奠于階西東面對西面坐取之栗階升

北面反奠于其所降辭公

鄭注奠而後對成其意也降辭公敬也必辭公者為

其尊而親臨己食侍食贊者之事

公許賓升公揖退于箱

鄭注箱東夾之前俟事之處

擯者退負東塾而立

鄭注無事

賓坐遂卷加席公不辭

鄭注贊者以告公公聽之重來優賓

釋曰公

案此下原本缺

賓三飯以消醬

鄭注每飲歡消以殺搗醬食正饌也三飯而止君子

食不求飽不言其殺優賓

釋曰飯飯梁也飯梁以消醬者公所設也食禮尸食

舉殺皆有次第此則惟賓取之

宰夫執解漿飲與其豐以進

清

賓挽手與受

鄭注受解

宰夫設其豐于稻西

鄭注酒在東漿在西是所謂左酒右漿

釋曰曲禮曰酒漿處右鄭云若兩有之則左酒右漿

按弟子職篇曰左酒右醬此云右漿未詳

庭實設

鄭注乘皮

賓坐祭遂飲奠于豐上

鄭注飲漱

公受宰夫束帛以侑西鄉立

鄭注束帛十端帛也侑猶勸也主國君以為食賓殷

勤之意未至復發幣以勸之欲用深安賓也西鄉立

序內位也受束帛于序端

賓降筵北面

鄭注以君將有命也北面于西階上

擯者進相幣

鄭注為君釋幣辭于賓

賓降辭幣升聽命

鄭注降辭幣主國君又命之升聽命釋許辭

降拜

鄭注當拜受幣

公辭賓升再拜稽首受幣當東楹北面

鄭注主國君南面授之當東楹者欲得君行一臣行

二也

退西楹西東面立

鄭注侯主國君送幣也退不負序以將降

公壹拜賓降也公再拜

鄭注賓不敢俟成拜

介逆出

鄭注以賓事畢

賓北面揖執庭實以出

鄭注揖執者示親受

公降立

鄭注俟賓反

上介受賓幣從者訝受皮

鄭注從者府史之屬訝迎也今文曰梧受

釋曰按下經魚腸胃倫膚下大夫則若七若九九者

蓋侯伯大夫再命之數七則子男之大夫一命之數

也小聘使大夫此篇魚腸胃倫膚之數皆七則所食

者子男之小聘大夫也其士介止一人既受賓幣知

受皮者府史之屬

賓入門左沒霽北面再拜稽首

鄭注便退則食禮未卒不退則嫌更入行拜若欲從

此退

公辭

鄭注止其拜使之卒食

釋曰食如字下至注卒食同

揖讓如初

鄭注如初入也

升賓再拜稽首公荅再拜

鄭注賓拜拜主國君之厚意賓揖介入復位

釋曰下更云介逆出明此時入

賓降辭公如初

鄭注將復食

賓升公揖退于箱賓卒食會飯三飲

鄭注卒已也已食會飯三漱漿也會飯謂黍稷也此

實食黍稷則初時食稻粱

不以醬滫

鄭注不復用正饌也初時食加飯用正饌此食正飯
用庶羞互相成也後言滫或時後用
稅手與北面坐取粱與醬以降西面坐奠于階西

鄭注示親徹也不以出者非所當得又以已得侑幣

釋曰醬滫粱公所設故賓前擁粱與滫此取粱與醬

介以降也玉藻曰若賜之食而君客之君既徹執飯與

醬乃出授從者又曰主人自置其醬則客自徹之曲

禮曰卒食客自前跪徹飯齊以授相者齊醬屬也

東面再拜稽首

鄭注卒食拜也不北面者異于辭

公降再拜

鄭注荅之也不辭之使升拜明禮有終

介逆出賓出公送于大門內再拜賓不顧

鄭注初來揖讓而退不顧退禮略也示難進易退之

義擯者以賓不顧告公公乃還也

有司卷三牲之俎歸于賓館

鄭注卷猶收也無遺之辭也三牲之俎正饌尤尊盡

以歸賓尊之至也歸俎者實于筐它時有所釋故

釋曰士虞禮尸所舉牲體皆盛于筐以歸尸釋猶遺

也饋食禮俎釋三个此無所釋故言卷也

魚腊不與

鄭注以三牲之俎無所釋故也禮之有餘為施惠不

言腸胃膚者在魚腊下不與可知也古文與作豫

明日賓朝服拜賜于朝拜食與侑幣皆再拜稽首

鄭注朝謂大門外

訝聽之

鄭注受其言入告出報也此下大夫有士訝

上大夫八豆八簋六鉶九俎魚腊皆二俎

鄭注記公食上大夫異于下大夫之數豆加葵菹蝸

醢四四為列俎加鮮魚鮮腊三三為列無特

釋曰按周禮醢人朝事之豆韭菹醢醢饋食之豆葵

菹蝸醢少牢饋食禮四豆兼而用之此亦大夫禮故

取葵菹蝸醢加于韭菹以下六豆也

魚腸胃倫膚若九若十有一下大夫則若七若九

鄭注此以命數為差也九謂再命者也十一謂三命

者也七謂一命者也九或上或下者再命謂小國之

卿次國之大夫也卿則曰上大夫則曰下大夫國之孤

視子男

庶羞西東毋過四列

鄭注謂上下大夫也古文毋為無

上大夫庶羞二十

案二十唐石經作廿

加于下大夫以雉兔鶉鴛

鄭注駕無母

釋曰爾雅釋鳥云鴛鴦母上大夫西東亦四列南北

則五列矣此篇所食者子男小聘之大夫也食凡聘

賓與大夫介同用此禮故以食大夫名篇惟饌數異

耳聘禮據侯伯之大聘食禮據子男之小聘互以見若不親食

鄭注謂主國君有疾病若他故使大夫各以其爵朝服以侑幣致之

鄭注執幣以將命

豆實實于饗陳于楹外二以竝北陳簋實實于筐陳于楹內兩楹間二以竝南陳

鄭注陳饗筐于楹間者象授受于堂中也南北相當以食饌同列耳饗北陳者變于食饗數如豆醢芥醬

從焉筐米四今文竝作併

釋曰豆食每物為一饗黍稷稻粱各一筐庶羞之醢芥醬與醢藟同類故從豆實醢芥醬宜各一饗

庶羞陳于碑內

鄭注生魚也魚腊從焉上大夫加鮮魚鮮腊雉兔鶉鴛不陳于堂辟正饌

釋曰生魚即庶羞所用為膾者也膾切之此則用全三牲之馘炙在牲未殺醢芥醬從豆實故所陳者生魚耳乾魚乾腊同類故從焉雉兔鶉鴛亦生致之牲

不殺而有醢者醢經百日乃成不繫于殺有芥醬者以有生魚故也

庭實陳于碑外

鄭注執乘皮者也不參分庭一在南者以言歸宜近

內

釋曰凡陳庭實三分庭一在南設碑三分庭一在北

碑外蓋南北之中庭

牛羊豕陳于門內西方東上

鄭注為其踐汗館庭使近外

賓朝服以受如受饗禮

鄭注朝服食禮輕也

釋曰賓受饗皮弁服

無擯

鄭注以己本宜往

釋曰擯當作賓下無擯同

明日賓朝服以拜賜于朝訝聽命

鄭注亦謂食侑幣

大夫相食親戒速

大鄭注記異于君者也速召也先就告之歸具既具復自召之

迎賓于門外拜至皆如饗拜

鄭注饗大夫相饗之禮也今亡古文饗或作鄉

降盥受醬消侑幣束錦也皆自阼階降堂受授者升一

等

鄭注皆者謂受醬受消受幣也侑用束錦大夫文也

降堂謂止階上今文無束

賓止也

鄭注主人三降賓不從

其釋曰三降受醬消幣主人降堂不盡等故賓不降

賓執梁與消之西序端

鄭注不敢食于尊處

釋曰兩大夫敵故賓不降食食如字至卒食同

主人辭賓反之卷加席主人辭賓反之辭幣降一等主

人從

鄭注從辭賓降主人送幣亦然

受侑幣再拜稽首主人送幣亦然

鄭注敵也辭首主人主人辭謂亦然辭于主人降一等主人從

鄭注辭謂辭其臨已食

卒食徹于西序端厥流主人主人稱賓又之稱謂行一祭主

鄭注亦親徹酌酌賓不割食取至卒食同

東面再拜降出下尊

鄭注拜亦拜卒食

其他皆如公食大夫之禮若不親食則公作大夫朝服以侑幣致之

鄭注作使也大夫有故君必使其同爵者為之致禮

大列國之賓來榮辱之事君臣同

賓受于堂無擯

鄭注與受君禮同

記不宿戒

鄭注食禮輕也此所以不宿戒者謂前期三日之戒

申戒為宿謂前期一日

戒不速

鄭注食賓之朝夙興戒之賓則從戒者而來不復召

不授几

鄭注異于禮也

無作席

鄭注公不坐

亨于門外東方

鄭注必于門外者大夫之事也東方者主陽

司宮具几與蒲筵常緇布純加萑席尋玄帛純皆卷自

末

鄭注司宮太宰之屬掌宮席者也丈六尺曰常半常

曰尋純緣也萑細葦也末經所終有以識之必長筵

者以有左右饌也今文萑皆作莞

案原本云皆為莞釋文取作莞二字

下云音官今從釋文

釋曰太宰之屬有宮人諸侯則司宮兼之

宰夫筵出自東房

鄭注筵本在房宰夫敷之也天子諸侯左右房

賓之乘車在大門外西方北面立

鄭注賓車不入門廣敬也凡賓即朝中道而往將至

下行而後車還立于西方賓及位而止北面卿大夫

之位當車前凡朝位賓主之間各以命數為遠近之節也

釋曰曲禮曰客車不入大門賓主之間謂主人未迎賓時賓主相去之數也

鉶芼牛藿羊苦豕薇皆有滑

鄭注藿豆葉也苦苦茶也滑堇苣之屬今文苦為芾釋曰菜者土之毛故謂之芼堇苣乾則滑

贊者盥從俎升

鄭注俎其所有事

簠有蓋

簠今注疏本訛作幕

鄭注稻梁將食乃設去會于房蓋以幕幕巾也今文或作幕

釋曰簠至設時幕亦去之食如字下食庶羞同

凡炙無醬

鄭注已有鹹和也

上大夫蒲筵加萑席其純皆如下大夫純

鄭注謂三命大夫也孤為賓則莞筵紛純加纁席畫純也

釋曰言上下大夫筵席不殊雖侯伯之卿亦與子男之大夫同也四命之孤則異莞筵纁席司几筵筵國賓之席

卿擯由下

鄭注不升堂也

上贊下大夫也

鄭注上謂堂上擯贊者事相近以佐上下為名

釋曰擯謂上擯使卿贊謂贊賓食者使下大夫擯在

堂下贊在堂上

上大夫庶羞酒飲漿飲庶羞可也

鄭注于食庶羞宰夫又設酒漿以之食庶羞可也以

優賓

拜食與侑幣皆再拜稽首

鄭注嫌上大夫不稽首

儀禮集釋卷十五

儀禮集釋卷十五

儀禮集釋卷十五

儀禮集釋卷十五

儀禮集釋卷十五

儀禮集釋卷十六

宋 李如圭 撰

覲禮第十

鄭目錄云覲見也諸侯秋見天子之禮春見曰朝夏見曰宗秋見曰覲冬見曰遇朝宗禮備覲遇禮省是以享獻不見焉三時禮亡惟此存爾覲禮于五禮屬

賓禮案今注疏本脫禮字大戴第十六小戴第十七別錄第十

覲禮至于郊王使人皮弁用璧勞侯氏亦皮弁迎于帷門之外再拜

鄭注郊謂近郊去王城五十里小行人職曰凡諸侯
 入王則逆勞于畿則郊勞者大行人也皮弁者天子
 之朝朝服也璧無束帛者天子之玉尊也不言諸侯
 言侯氏者明國殊舍異禮不凡之也郊舍狹寡為帷
 宮以受勞掌舍職曰為帷宮設旌門
 使者不荅拜遂執玉三揖至于階使者不讓先升侯氏
 升聽命降再拜稽首遂升受玉

鄭注不荅拜者為人使不當其禮也不讓先升奉王
 命尊也升者升壇使者東面致命侯氏東階上西面

聽之

釋曰

案此下原本缺

使者左還而立侯氏還璧使者受侯氏降再拜稽首使
 者乃出

鄭注左還還南面示將去也立者見侯氏將有事于
 已俟之也還玉重禮

侯氏乃止使者使者乃入侯氏與之讓升侯氏先升授
 几侯氏拜送几使者設几荅拜

鄭注侯氏先升賓禮統焉几者安賓所以崇優厚也

上介出止使者則已布席也

釋曰統者統于主人也使者不坐而設几優賓也諸

侯之卿卑聘禮卿勞僎之不設几

侯氏用束帛乘馬僎使者使者再拜受侯氏再拜送幣

鄭注僎使者所以致尊敬也拜者各于其階

使者降以左驂出侯氏送于門外再拜侯氏遂從之

鄭注駢馬曰驂左驂設在西者其餘三馬侯氏之士

遂以出授使者之從者于外從之者遂隨使者以至

朝

釋曰馬在庭北面西上聘禮賓亦執左馬以出馬在旁者曰驂天子使尊雖從之亦拜送

天子賜舍

鄭注以其新至道路勞苦未受其禮且使即安也賜

舍猶致館也所使者司空與小行人為承僎今文賜

皆作錫
案今注疏本脫皆字

釋曰聘禮賓至即欲受之者主人之禮覲禮且使即

安者君上之惠勞如字

曰案唐石經無曰字伯父女順命于王所賜伯父舍

鄭注此使者致館辭命于王也

侯氏再拜稽首

鄭注受館

儻之束帛乘馬

鄭注王使人以命致館無禮猶儻之者尊王使也侯

氏受館于外既則儻使者于內

天子使大夫戒曰某日伯父帥乃初事

鄭注大夫者卿為訝者也掌訝職曰凡訝者賓客至

而往詔相其事戒猶告也其為告使順循其事也初

猶故也今文帥作率

侯氏再拜稽首

鄭注受覲日也

諸侯前朝皆受舍于朝同姓西面北上異姓東面北上

鄭注言諸侯者明來朝者衆矣顧其入覲不得並耳

受舍于朝受次于文王廣門之外聘禮記曰宗人授

次次以帷少退于君之次則是次也言舍者尊舍也

天子使掌次為之諸侯上介先朝受焉此覲也言朝

者覲遇之禮雖簡其來之心猶若朝也分別同姓異

姓受之將有先後也春秋傳曰寡人若朝于薛不敢與諸任齒則周禮先同姓公六國受諸國之禮也釋曰諸侯受聘于祧知天子受覲亦于祧鄭以文武廟為二祧故謂受舍于文王廟門外也下記上介皆奉其君之旂置于宮知受舍者亦上介侯氏裨冕釋幣于禰

鄭注將覲質明時也裨冕者衣裨衣而冠冕也裨之為言埤也天子六服大裘為上其餘為裨以事尊卑服之而諸侯亦服焉上公衮無升龍侯伯鷩子男毳

孤絺卿大夫玄此差司服所掌也禰謂行主遷主矣而云禰親之也釋幣者告將覲也其釋幣如聘大夫將受命釋幣于禰之禮既則祝藏其幣歸乃埋之于禰西階之東今文冕皆作統案今注疏本脫此六字

釋曰諸侯玄冕以祭今入天子廟得伸其上服故服裨冕因告禰也曾子問曰天子巡守以遷廟主行諸侯去其國亦然冕服九章龍山華蟲火宗彝五者畫以為績藻粉米黼黻四者絺以為繡衮之衣五章裳四章鷩之衣三章裳四章毳之衣三章裳二章絺刺

粉米衣一章裳二章玄者衣無文裳刺黻而已皆玄

衣纁裳

乘墨車載龍旂弧鞬乃朝以瑞玉有纁

鄭注墨車大夫制也乘之者入天子之國車服不可

盡同也交龍為旂諸侯之所建弧所以張繆之弓也

弓衣曰鞬瑞玉謂公桓圭侯信圭伯躬圭子穀璧男

蒲璧纁所以藉玉以韋衣木廣裘各如其玉之大小

以朱白蒼為六色今文玉為璧纁或為璪

釋曰大宗伯之職以玉作瑞桓圭以下是也各以其

所琢飾名之

天子設斧依于戶牖之間左右几

鄭注依如今綈素屏風也有繡斧文所以示威也斧

謂之黼几玉几也左右者優至尊也其席莞席紛純

加纁席畫純加次席黼純

釋曰釋宮曰戶牖之間謂之辰謂窗東戶西也辰與

依同斧依亦以設于此處得名考工記曰白與黑謂

之黼斧刃白而登黑據形言之則謂之斧也書顧命

曰設黼展牖間南嚮敷重篋席黼純華玉仍几篋席

則次席也

天子袞冕負斧依

鄭注袞衣者裨之上也績之繡之為九章其龍天子有升龍有降龍衣此衣而冠冕南嚮而立以俟諸侯見

釋曰袞者卷龍衣也上公亦服之以無升龍為異負依謂背之也曲禮曰天子當依而立諸侯北面而見天子曰覲天子當宁而立諸公東面諸侯西面曰朝見賢遍反下見尊同

嗇夫承命告于天子

鄭注嗇夫蓋司空之屬也為末擯承命于侯氏下介

傳而上上擯以告于天子

案今注疏本脫于字

天子見公擯者

五人見侯伯擯者四人見子男擯者三人皆宗伯為

上擯春秋傳曰嗇夫馳

釋曰此交擯也按司儀諸侯相為賓皆交擯則見天子可知

天子曰非他伯父實來予一人嘉之伯父其入予一人將受之

鄭注言非他者親之辭嘉之者美之辭也上擯又傳此而下至嗇夫侯氏之下介受之傳而上上介以告其君君乃許入今文實作寔嘉作賀

釋曰其入者覲禮不出迎

侯氏入門右坐奠圭再拜稽首

鄭注入門而右

案今注疏本脫而字

執臣道不敢由賓之位也

案之各本訛作客張淳儀禮識誤言據周顯德監本改正今從之

卑見尊奠摯而不

授

案卑下各本衍者字張淳儀禮識誤云釋文見侯注云卑見同卑見謂此也中無者字從釋文

擯者謁

鄭注謁猶告也上擯告以天子前辭欲親受之如賓

客也其辭所易者曰伯父其升

侯氏坐取圭升致命王受之玉侯氏降階東北面再拜

稽首擯者延之曰升升成拜乃出

鄭注擯者請之侯氏坐取圭則遂左降拜稽首送玉

也從後詔禮曰延延進也

釋曰階東西階之東也侯氏取圭由門左升自西階

致命郊特牲曰覲禮不下堂而見諸侯下堂而見諸

侯天子之失禮也由夷王以下

四享皆束帛加璧庭實惟國所有

鄭注四當為三古書作三四或皆積畫此篇又多四

字字相似由此誤也大行人職曰諸侯廟中將幣皆

三享其禮差又無取于四也初享或用馬或用虎豹

之皮其次享三牲魚腊籩豆之實龜也金也丹漆絲

纊竹箭也其餘無常貨此物非一國所能有案物上

本衍惟國所有今注疏案分為三享皆以璧帛致之

奉束帛匹馬卓上九馬隨之中庭西上奠幣再拜稽首

鄭注卓讀如卓王孫之卓卓猶的也以素的一馬以

為上書其國名後當識其何產也馬必十匹者不敢

斥王之乘用成數敬也

釋曰中庭庭南北之中也凡庭實三分庭一在南此

以三享同陳故入庭深設之書康王既尸天子王出

在應門之內大保率西方諸侯入應門左畢公率東

方諸侯入應門右皆布乘黃朱賓稱奉圭兼幣曰一

二臣衛敢執壤奠皆再拜稽首彼因喪而見與此禮

異乘黃朱四黃馬朱鬣也出應門其當宁而立與

擯者曰予一人將受之

鄭注亦言王欲親受之

侯氏升致命王撫玉侯氏降自西階東面授宰幣西階前再拜稽首以馬出授人九馬隨之

鄭注王不受玉撫之而已輕財也以馬出隨侯氏出

授玉人于外也王不使人受馬者至于享

案至原本訛作主據

今注疏本改正

王之尊益君侯氏之卑益臣

釋曰幣謂束帛加璧也宰大宰也大宰之職大朝覲會同贊玉幣享者貢其國所有臣禮也聘禮使人受賓覲之馬者不臣人之臣

事畢

鄭注三享訖

乃右肉袒于席門之東乃入門右北面立告聽事

鄭注右肉袒者刑宜施于右也凡以禮事者左袒入

更從右者臣益純也告聽事者告王以國所用為罪

之事也易曰折其右肱无咎

釋曰士喪禮主人左袒則雖凶禮亦袒左

擯者謁諸天子天子辭于侯氏曰伯父無事歸寧乃邦

鄭注謁告寧安也乃猶女也

釋曰書文侯之命曰王曰父義和其歸視爾師寧爾

侯氏再拜稽首出自屏南適門西

案敖繼公云遂入門

左北面立王勞之再拜稽首擯者延之曰升升成拜降

鄭注王辭之不即左者當出隱于屏而襲之也天子外屏勞之勞其道勞也

釋曰釋宮曰屏謂之樹論語曰邦君樹塞門謂立小牆當門中以自蔽也禮緯曰天子外屏諸侯內屏內

屏在路門之內外屏在路門之外臣朝君至而加肅敬故屏有遠近也此出門乃自屏南知天子外屏道勞如字

天子賜侯氏以車服迎于外門外再拜

鄭注賜車者同姓以金路異姓以象路服則衮也驚也毳也古文曰迎于門外也

釋曰巾車掌五路玉路以祀金路同姓以封象路異姓以封革路以封四衛木路以封蕃國司服公之服自衮冕而下侯伯鷩冕子男毳冕

路先設西上路下四亞之重賜無數在車南

鄭注路謂車也凡君所乘車曰路路下四謂乘馬也亞之次車而東也詩云君子來朝何錫予之雖無予之路車乘馬又何予之玄衮及黼重猶善也所加賜善物多少由恩也春秋傳曰重錦三十兩

諸公奉篚服加命書于其上升自西階東面大史是右鄭注言諸公者王同時分命之而使賜侯氏也右讀如周公右王之右是右者始隨入于升東面乃居其右古文是爲氏也

侯氏升西面立大史述命

鄭注讀王命書也

侯氏降兩階之間北面再拜稽首

鄭注受命

升成拜

鄭注大史辭之降也春秋傳曰且有後命以伯舅盞老毋下拜此辭之類

大史加書于服上侯氏受

鄭注受篚服

使者出侯氏送再拜僎使者諸公賜服者束帛四馬僎大史亦如之

鄭注既云拜送乃言僎使者以勞有成禮畧而遂言

釋曰亦僎乃拜送如僎勞者之禮

同姓大國則曰伯父其異姓則曰伯舅同姓小邦則曰叔父其異姓小邦則曰叔舅

鄭注據此禮云伯父同姓大邦而言

饗禮乃歸

鄭注禮謂食燕也王或不親以其禮幣致之畧言饗

禮互文也掌客職曰上公三饗三食三燕侯伯再饗再食再燕子男一饗一食一燕

釋曰掌客職又曰若弗酌則以幣致之春秋傳戎朝于周發幣于公卿則諸侯既朝亦當有幣問公卿如聘問大夫禮

諸侯覲于天子爲宮方三百步四門壇十有二尋深四尺加方明于其上

鄭注四時朝覲受之于廟此謂時會殷同也宮謂壝土爲埒以象牆壁也爲宮者于國外春會同則于東

方夏會同則于南方秋會同則于西方冬會同則于北方八尺曰尋十有二尋則方九十六尺也深謂高也從上曰深司儀職曰爲壇三成成猶重也三重者自下差之爲三等而上有堂焉堂上方二丈四尺上等中等下等每面十二尺方明者上下四方神明之象也上下四方之神者所謂明神也會同而盟明神監之則謂之天之司盟有象者猶宗廟之有主乎王巡守至于方嶽之下諸侯會之亦爲此宮以見之司儀職曰將會諸侯則命爲壇三成宮旁一門詔王儀

南鄉見諸侯也

釋曰大宗伯職曰時見曰會殷見曰同時見者王將有征討之事則既朝覲王合諸侯而發禁殷見者七二歲王如不巡守則六服盡朝朝畢王亦合諸侯而命政皆爲壇于國外以命事司盟職云北面詔明神春秋傳盟于亳城北載書有司慎司盟

方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥北方璜東方圭

鄭注六色象其神六玉以禮之上宜以蒼璧下宜以黃琮而不以者則上下之神非天地之至貴者也設玉者刻其木而著之

釋曰大宗伯職曰以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方此上下用圭璧蓋禮日月也典瑞職云圭璧以祀日月鄭下注云日月而云天地靈之

上介皆奉其君之旂置于宮尙左公侯伯子男皆就其

旂而立

鄭注置于宮者建之豫爲其君見王之位也諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北

面東上尙左者

案者今注疏本訛作皆

建旂公東上侯先伯伯

先子子先男而位皆上東方也諸侯入壝門或左或右各就其旂而立王降階南鄉見之三揖土揖庶姓時揖異姓天揖同姓見揖位乃定古文尙作上

釋曰旂者表朝位之旂也與銘旌及作軍徽幟同以

尺易仞而爲之摯虞曰建旂者所以殊爵命示等威也詩曰君子至止言觀其旂尙左左者東方也公侯伯子男面位鄭皆據朝事儀而言周公朝諸侯于明堂其位亦如此或曰壇三成者卽明堂也爾雅丘三成爲崑崙丘謂三重也此明堂形如崑崙丘故公玉帶遂謂明堂名曰崑崙謂之明堂者或者以祀方明而名與當攷

四傳擯

鄭注王旣揖五者升壇設擯升諸侯以會同之禮其

奠瑞玉及享幣公拜于上等侯伯于中等子男于下等擯者每延之升堂致命王受玉撫玉降拜于下等及請事勞皆如覲禮是以記之覲云四傳擯者注疏本云上每一位畢擯者以告乃更陳列而升其次公脫覲字也侯也伯也各一位子男俠門而俱東上亦一位也至庭乃設擯則諸侯初入門王官之伯帥之耳古文傳作傳

釋曰康王之誥曰帥諸侯入者大保畢公所謂王官伯

天子乘龍載大旂象日月升龍降龍出拜日于東門之外反祀方明

鄭注此謂會同以春者也馬八尺以上為龍大旂大常也王建大常繆首畫日月其下及旒交畫升龍降龍朝事儀曰天子冕而執鎮圭尺有二寸縹藉尺有二寸搢大圭乘大路建大常十有二旒樊纓十有二就貳車十有二乘帥諸侯而朝日于東郊所以教尊尊也退而朝諸侯由此二者言之已祀方明乃以會同之禮見諸侯也凡會同者不協而盟司盟職曰凡

邦國有疑會同則掌其盟約之載書及其禮儀北面

詔明神既盟則貳之

案貳各本訛作藏今據周禮改正

言北面詔明

神則明神有象也象者其方明乎及盟時又加于壇上乃以載辭告焉詛祝掌其祝號

釋曰常禮既朝日退而朝諸侯若邦國有疑而盟則既朝日反祀方明已祀方明天子升壇見諸侯禮畢更加方明于壇而盟則此覲禮所記是

禮日子南門外禮月與四瀆于北門外禮山川丘陵于西門外

鄭注此謂會同以夏冬秋者也變拜言禮者容祀也
禮月于北郊者月大陰之精以爲地神也盟神必云
日月山川焉者尚著明也詩曰謂予不信有如皦日
春秋傳曰縱子忘之山川神祇其忘諸乎此皆用明
神爲信也
釋曰言禮者容兼祀方明也先北後西者月尊也四
瀆亦極陰故與月同配北方

祭天燔柴祭山丘陵升祭川沈祭地瘞

鄭注升沈必就祭者也就祭則是謂王巡守及諸侯

之盟祭也其盟揭其著明者燔柴升沈瘞祭禮終矣
備矣郊特牲曰郊之祭也迎長日之至也大報天而
主日也宗伯職曰以實柴祀日月星辰則燔柴祭天
謂祭日也柴爲祭日則祭地瘞者祭月也日月而云
天地靈之也王制曰王巡守至于岱宗柴是王巡守
之盟其神主日也春秋傳曰晉文公爲踐土之盟而
傳云山川之神是諸侯之盟其神主山川也月者大
陰之精上爲天使臣道莫貴焉是王官之伯會諸侯
而盟其神主月與古文瘞作瘞

記凡俟于東箱

凡與古文宗亦壹

鄭注王即席乃設之也東箱東夾之前相翔待事之

處

釋曰公食大夫禮賓食公揖退于箱

偏駕不入王門

鄭注在旁與己同曰偏同姓金路異姓象路四衛革

路蕃國木路駕之與王同謂之偏偏駕不入王門

案

注疏本脫一偏字

乘墨車以朝是也偏駕之車舍之于館與

釋曰此車天子所乘者諸侯亦乘之故謂之偏

奠圭于纁上

鄭注謂釋于地也

儀禮集釋卷十六



